

შრომითი მიგრაციის სტატისტიკური აღრიცხვის საკითხისათვის

იულია ონიანი

ეკონომიკის აკადემიური დოქტორი,
აწსუ ასოც. პროფესორი

საქართველოში დამოუკიდებლობის გამოცხადების შემდეგ განვითარებულმა ურთულესმა მოვლენებმა და ახალი სოციალურ-ეკონომიკური ურთიერთობების ფორმირებამ მოსახლეობის ინტენსიური ტერიტორიული გადაადგილება გამოიწვია. განსაკუთრებით დიდი ინტენსივობით განვითარდა შრომითი მიგრაცია, რომელიც ამჟამად საქართველოს ყველა რეგიონისათვისაა დამახასიათებელი. სხვადასხვა გამოკვლევებით დგინდება, რომ საქართველოდან შრომითი ემიგრაცია განპირობებულია ეკონომიკური ფაქტორებით, შიგა ბაზარზე სამუშაო ძალაზე მოთხოვნისა და ფასის მკვეთრი შემცირებით, უმუშევრობის გაზრდით, მოსახლეობის ცხოვრების დონის დაქვეითებით და სხვა ამგვარი ფაქტორებით. მიგრაციული ნაკადები მიმართულია ძირითადად ქვეყნის საზღვრებს გარეთ. კერძოდ: რუსეთში, საბერძნეთში, იტალიაში, აშშ-ში, გერმანიაში, რის გამოც მინიმუმამდე შემცირდა შრომითი ქანქარისებური მიგრაცია. ამასთან, შრომითი მიგრაციის გავლენა საქართველოს დემოგრაფიულ პოტენციალზე უკიდურესად უარყოფითია. იგი მიმდინარეობს ინტენსიური დეპოპულაციის, მოსახლეობის მიგრაციული კლებისა და შობადობის მკვეთრი შემცირების ფონზე. შექმნილი ვითარებიდან გამომდინარე ხელისუფლების ორგანოების მიერ უნდა მოხდეს ქმედითი მიგრაციული პოლიტიკის გატარება, აუცილებელია შრომითი მიგრაციის სრულყოფილი მეცნიერული შესწავლა, სამუშაო ძალის ემიგრაციის ლეგალიზაცია და მისი აფექტიანობის ამაღლება, ემიგრანტთა შრომითი და სოციალური უფლებების დაცვა. ამიტომ შრომითი მიგრაციის აღრიცხვა, მისი სტატისტიკური შესწავლა ძალზე მნიშვნელოვანია, რადგან იგი წარმოადგენს ძირითად ინსტრუმენტს მიგრაციული პროცესების ანალიზისა და მის საფუძველზე სწორი მიგრაციული პოლიტიკის შემუშავებისათვის.

შრომითი მიგრაცია სამ ძირითად ჯგუფად იყოფა – საზღვარგარეთ მომუშავე საქართველოს მოქალაქეები, საქართველოში მომუშავე სხვა ქვეყნის მოქალაქეები და ქვეყნის შიგნით შრომითი მიგრანტები. თითოეული ჯგუფის სტატისტიკური აღრიცხვისათვის

დამახასიათებელია მათვის ნიშანდობლივი ნაკლოვანებები და შესაბამისად მათი აღმოფხვრის შესაძლო მეთოდები.

შრომითი მიგრაციის სტატისტიკური აღრიცხვის სისტემა ეფუძნება საერთაშორისო მიგრაციის სტატისტიკის შესახებ გაეროს რეკომენდაციებს, რომელიც პირველად გაეროს მიერ 1976 წელს იქნა მიღებული, ხოლო შემდეგ მან ცვლილება განიცადა და 1998 წლისთვის შემუშავებული იქნა ახალი რეკომენდაციები. შრომითი მიგრაციის სტატისტიკური აღრიცხვის ანალიზის მიმდინარეობის პროცესში უნდა მოხდეს შედარება საყოველთაოდ მიღებულ საერთაშორისო ნორმებთან და გაეროს რეკომენდაციებთან.

შრომითი მიგრაციის პირველი ჯგუფის – „საზღვარგარეთ მომუშავე საქართველოს მოქალაქეები“, შესახებ ინფორმაცია დღემდე არაა გამოქვეყნებული და თუ კი სადმე არის მთავარი ნაკლია ის, რომ მისი დონისა და ინტენსივობის რეალური მაშტაბები დღემდე არაა დადგენილი და ზუსტად განსაზღვრული. ამის მიზეზია ის, რომ საქართველოს მოქალაქეები საზღვარგარეთ ეწეობიან სამუშაოზე არა ლიცენზიის მქონე ფირმების მეშვეობით, არამედ სხვადასხვა მაქინაციებით. ამიტომ, ბონებრივია ისინი სტატისტიკური დაკვირვების მიღმა რჩებიან. ასე მაგალითად, მიგრაციის საერთაშორისო ორგანიზაციის და თსუ მეცნიერთა კვლევებით დადგენილია, რომ ემიგრანტების 66,0%-ს საზღვარგარეთ წასვლაში დაეხმარნენ ნათესავები ან ნაცნობ-მეგობრები. ტურისტული ფირმების მეშვეობით წასვლა შეძლო ემიგრანტთა მხოლოდ 5%-მა. კერძო სააგენტოების მეშვეობით წავიდა საზღვარგარეთ ემიგრანტთა 7%, ხოლო 5% სტუდენტთა გაცვლითი პროგრამებით და კონკრეტული დამქირავებლის მიწვევით.. უმნიშვნელოა დასაქმების სახელმწიფო სამსახურის როლი. მათი დახმარებით წასვლა შეძლო შრომით ემიგრანტთა მხოლოდ 1%-მა. ხოლო ემიგრანტთა 16% კი ბედის ანაბარა წავიდა

საზღვარგარეთ. თუმცა უნდა ითქვას რომ საზღვარგარეთ მომუშავე ქართველი მოქალაქეების რიცხვი ოფიციალური სტატისტიკური მონაცემებით გაცილებით მცირეა რეალურთან შედარებით.

მეორე ნაკლი ისაა, რომ საქსტატის კრებულებში მონაცემები არის მხოლოდ მიგრაციის საღდოს შესახებ ან სხვადასხვა სტატისტიკურ პუბლიკაციებში შეიძლება მოიძებნოს ცნობები თუ რამდენმა უცხოელმა მოქალაქემ გადააკეთა საქართველოს საზღვერი, როგორც ერთ ისე მეორე მხარეს, მაგრამ არ არის ინფორმაცია რამდენი საქართველოს მოქალაქე წავიდა საზღვარგარეთ და რამდენი დაბრუნდა უკან საქართველოში. აუცილებელია ვაწარმოოთ სტატისტიკური აღრიცხვა ზოგადად საქართველოში დაბრუნებული ყველა მოქალაქის შესახებ მათი საზღვრის გადაკვეთის მომენტისათვის, რათა დავადგინოთ საღდო საქართველოს მოქალაქეების მიერ საზღვრის გადაკვეთის შესახებ, შემდგომ კი მოხდეს ამ მონაცემების გამოქვეყნება..

საქსტატის პუბლიკაციებში არ მოინახება მონაცემები საზღვარგარეთ წასული საქართველოს მოქალაქეების რიცხოვნობის შესახებ. ამდენად, საქართველოს სტატისტიკა დღევანდელ პირობებში არ იძლევა საშუალებას (აღწერებს შორის პერიოდში) თუნდაც მიახლოებით შევაფასოთ რა რაოდენობით საქართველოს მოქალაქე მუშაობს ან უბრალოდ იმყოფება საზღვარგარეთ. ესენი შეიძლება იყვნენ მეწარმეები, ბიზნესმენები, რომლებიც ბიზნეს-საქმიანობას ეწევიან საზღვარგარეთ, მათი ოჯახის წევრები, სტუდენტები, რომლებიც სწავლობენ საზღვარგარეთ, წარსულში საზღვარგარეთ ემიგრირებული საქართველოს მოქალაქეები დაბრუნებული დაბადების ადგილას და სხვა კატეგორიები. ასეთი მონაცემების არ არსებობის პირობებში ეკონომიკურად აქტიური მოსახლეობის რეალური რიცხოვნობის შეფასება – აღრიცხვა არასრულყოფილია.

გაეროს რეკომენდაციებში არის წინადადება, რომ ქვეყნის მოქალაქეების მიერ საზღვრის გადაკვეთისას ორივე მხრიდან შეივსოს ანკეტა, როგორც ეს კეთდება უცხოელი მოქალაქეების მიერ საქართველოს საზღვრის გადაკვეთის დროს. ასეთი ღონისძიების განხორციელებისათვის საჭიროა დამუშავდეს საკითხი ფინანური და ორგანიზაციული ხარჯების და შესაძლო ეკონომიკური ეფექტის შესახებ. საკითხი ამ ღონისძიებათა განხორციელების შესახებ განსაკუთრებით აქტუალობას იძენს საქართველოში, სადაც სხვადასხვა გათვლებით 600 ათა-

სიდან ერთ მილიონამდე ადამიანია ემიგრირებული. ეს მაჩვენებელი 1989 და 2002 წლებში ჩატარებული მოსახლეობის საყოველთაო აღწერის მაჩვენებელთა შედარებით არის მიღებული. დღეს კი უნდა ვივარაუდოთ, რომ ემიგრაციის აბსოლუტური მაჩვენებელი გაცილებით მეტია. საქართველოს მოქალაქეების მიერ საზღვრის გადაკვეთის შესახებ უფრო დაწვრილებითი აღრიცხვის ჩატარება განსაკუთრებით მნიშვნელოვანია დღეს, რადგან საქართველოში ათი წელია არ ჩატარებულა მოსახლეობის საყოველთაო აღწერა და ამიტომ აუცილებელია საქართველოს მოსახლეობის მიგრაციული პროცესების კორექცია აღწერებს შორის პერიოდში.

რაც შეეხება შრომითი მიგრაციის მეორე ჯგუფს – შიგა შრომითი მიგრაცია, მისი სტატისტიკა საქართველოში საერთოდ არ არსებობს, რასაც ადასტურებს საქართველოს ოფიციალური სტატისტიკური პუბლიკაციები. იმისათვის, რომ ასეთი სტატისტიკა შეიქმნას საჭიროა შეიკრიბოს მონაცემები ქვეყნის ეკონომიკაში მუდმივი საცხოვრებელი ადგილის მიხედვით დასაქმებულების, მოცემულ დასახლებულ პუნქტში მათი დროებითი ცხოვრების და მათი წინა საცხოვრებელი ადგილის შესახებ. სასურველია შეიქმნას სტატისტიკური კრებული „შრომა და დასაქმება საქართველოში“ და ეს მონაცემები გამოქვეყნდეს ამ კრებულში. აღნიშნული ინფორმაცია განსაკუთრებით მნიშვნელოვანია ქანქარისებური შრომითი მიგრაციის სტატისტიკური აღრიცხვისათვის. მიგრაციის ეს სახე არაა დაკავშირებული საცხოვრებელი ადგილის შეცვლასთან, ამიტომ მთლიანადაა ამოვარდნილი სტატისტიკური აღრიცხვიდან, ამდენად ადგილი აქვს მოსახლეობის შიგა მიგრაციის არსებით აღურიცხაობას.

ცალკე უნდა გამოვეყოთ ინფორმაცია რომელიც უკავშირდება ქვეყნის რეგიონებში იმ ხალხის შრომით მოწყობას, რომლებიც დაიბადნენ იმ რეგიონებში სადაც არის მაღალი შობადობა და უმუშევრობა. ამიტომ განსაკუთრებით საინტერესოა ნაერთი ინფორმაცია ქვეყნის რეგიონების მიხედვით ეკონომიკაში პროფესიულ ჭრილში დასაქმების, მშობლიური ენის და მომუშავეთა ასაკის შესახებ, რაც მნიშვნელოვანია ქვეყნის მოსახლეობის შრომითი პოტენციალის უფრო სრული გამოყენების მიზნით ღონისძიებების შემუშავებისათვის.

საქართველოში უცხოელი მოქალაქეების სტატისტიკა გარკვეული თავისებურებით ხასიათდება, რაც დაკავშირებულია მათი სტატისტიკური აღრიცხვის წესებისა და კანონმდე-

ბლობების ხშირ ცვლილებასთან. ბილო წლებში საქართველოში მომუშავე უცხოელ მოქალაქეების რიცხოვნობის ზრდა, მეტყველებს არა მარტო საერთაშორისო შრომითი მიგრანტების როლის შესახებ ჩვენი ქვეყნის შრომით ბაზარზე, არამედ ეს არანაკლები ხარისხით ადასტურებს კანონმდებლობის ცვლილების დადებით გავლენას სტატისტიკური აღრიცხვის ხარისხზე. კანონმდებლობა ამცირებს უვიზო ემიგრანტების ხარჯებს და აიოლებს შესაძლებლობას შეასრულონ კანონის მოთხოვნები.

უცხოელი შრომითი მიგრანტების სტატისტიკის ერთ-ერთი მნიშვნელოვანი თავისებურება არის შემდეგი: თუ მათ აქვთ ქვეყანაში დროებითი ცხოვრების ნებართვა, მაშინ ისინი შედიან ქვეყნის მუდმივი მოსახლეობის რიცხოვნობაში, წინააღმდეგ შემთხვევაში ისინი არ შეიტანებიან მათ რიცხვში, მიუხედავად იმისა რამდენ ხანს ცხოვრობდნენ მოცემულ ქვეყანაში.

უცხოელ მოქალაქეებთან მიმართებაში შრომითი მიგრაციის სტატისტიკური აღრიცხვისათვის საჭიროა შემდეგი ღონისძიებები:

- იმისთვის, რომ შეფასდეს უცხოელი მოქალაქეების შრომითი მონაწილეობის რეალური ღონე და შეუდაროთ იგი ქვეყნის რეგიონებში დასაქმებისა და უმუშევრობის ღონეს, საჭიროა რეალური სტატისტიკური მონაცემები უცხოელი მოქალაქეების მიღებისა და განთავისუფლების შესახებ, როგორც ქვეყნი რეგიონების, ისე მუშაობის ვადების მიხედვით. უცხოელი მოქალაქეების შრომითი მიგრაციის სტატისტიკური აღრიცხვისათვის საჭირო არის ინფორმაცია ქვეყნის ეკონომიკაში უცხოელი მოქალაქეების დასაქმების საშუალოწლიური რიცხოვნობის შესახებ, საუბარი არ არის რეგიონების მიხედვით თვიურ დასაქმებაზე. დღეისათვის უცხოური სამუშაო ძალის საერთო რაოდენობის გამოთვლა ხდება მიმდინარე წლის მიხედვით, როგორც წლის დასაწყისში უცხოელი მომუშავეების რიცხოვნობისა და მთელი წლის განმავლობაში შემოსული უცხოელი მომუშავეების რიცხოვნობის ჯამი. ყველაფერი ეს არ იძლევა უმუშევრობისა და უცხოური სამუშაო ძალის მოზიდვის ურთიერთკავშირის რეალურ სურათს. ცდომილება განსაკუთრებით დიდია იმ რეგიონებში სადაც მიგრანტები ძირითადად სეზონურ სამუშაოებზე არიან დაკავებული.

- სტატისტიკურ მონაცემებს თან უნდა ახლდეს ამომწურავი აღწერა იმისა, როგორ, რა წესით გამოითვლება ესა თუ ის მონაცემები,

სხვაგვარად შეუძლებელია მათი ადეკვატური ინტერპრეტაცია. მაგალითად, სტატისტიკურ გამოცემებში უნდა იყოს ცნობები იმის შესახებ, თუ როგორ გამოითვლება ქვეყანაში უცხოელი მოქალაქეების რიცხოვნობა.

- საჭიროა დავაჯგუფოთ პირები, რომლებიც გარკვეული მიზეზის გამო არ მიეკუთვნებიან ქვეყანაში მომუშავე უცხოელების რიცხვს, ორი ძირითადი კატეგორიის მიხედვით: შეწყვიტეს მუშაობა ქვეყნის ტერიტორიაზე და მიიღეს ქვეყნის მოქალაქეობა.

- ქვეყანაში შრომითი რესურსების რიცხოვნობის შესახებ სრული ინფორმაციის მიღებისათვის, საჭიროა გეჰონდეს სტატისტიკური მონაცემები მოსახლეობის კატეგორიების შესახებ, რომლებიც მოცემულ პერიოდში სტატისტიკაში არ არიან წარმოდგენილი, როგორც ცალკე ჯგუფი. ეს ჯგუფი უცხოელი მოქალაქეებია, რომელთათვისაც მოცემული ქვეყანა, გაეროს რეკომენდაციის მიხედვით, არის ქვეყანა ჩვეულებრივი საცხოვრებელი პირობებით, მაგრამ ამასთან ისინი, სტატისტიკური აღრიცხვის კანონის მიხედვით, არ მიეკუთვნებიან ქვეყნის მუდმივ მცხოვრებლებს ე. ი. არ აქვთ საცხოვრებელი ან დროებით ცხოვრების უფლება. 1976 წელს გაეროს მიერ საერთაშორისო მიგრაციის სტატისტიკის საკითხებზე მიღებულ რეკომენდაციებში შემოთავაზებული იყო გამოყენებინათ ცნება „გრძელვადიანი მიგრანტი“, რაც ნიშნავდა პირის ქვეყანაში ცხოვრების ხანგრძლივობას ერთ წელზე მეტი ხნის განმავლობაში. ახალ რეკომენდაციებში კი გამოიყენება ფორმულირება „ერთი წელი და მეტი“, ასევე, შემოთავაზებულია, რომ „მუდმივი საცხოვრებელი“ ცნების ნაცვლად გამოიყენოთ ცნება „ადამიანის ჩვეულებრივი საცხოვრებელი ქვეყანა“ – ეს არის ქვეყანა, რომელშიც ადამიანი ცხოვრობს, ე. ი. ქვეყანა, რომელშიც მას აქვს ადგილი ცხოვრებისათვის, სადაც ის ატარებს დასვენების დღე-ღამურ დროს.

- გაეროს რეკომენდაციების თანახმად საჭიროა ასევე შევავროვოთ მონაცემები უცხოელი ემიგრანტების სეზონური დასაქმების შესახებ.

- სასურველია გეჰონდეს მონაცემები უცხოელი მოქალაქეების განაწილების შესახებ ასაკობრივი ჯგუფების მიხედვით.

ზემოთ აღნიშნული ღონისძიებები აქტუალურია, როგორც შიგა ისე საერთაშორისო ემიგრანტებისათვის. მაგალითად, საცხოვრებელი ადგილის მიხედვით მიგრანტების აღრიცხვისას სასურველია მოგზაურობის მიზნების ჩამონათვალში დაემატოს „ეკონომიკური“. გარ-

და ამისა მიგრაციული პროცესების ანალიზისათვის მნიშვნელოვანია გვექონდეს უფრო დაწვრილებითი მონაცემები ასაკობრივი ჯგუფების მიხედვით. სასურველია ჯგუფებად დაყოფა მოხდეს ხუთწლიანი ინტერვალით, როგორც ეს გაეროს რეკომენდაციებშია მითითებული. ამასთან ბოლო ღია ინტერვალი უნდა იყოს 85 და მეტი წელი.

შრომითი მიგრაციის სტატისტიკური აღრიცხვის გაუმჯობესებისათვის, მეკვლევარებისა და სხვა დაინტერესებული პირებისათვის აღნიშნული მოვლენის შესახებ სტატისტიკური ინფორმაციის ხელმისაწვდომობის უზრუნველყოფისათვის, სასურველია მჭიდრო თანამშრომლობა სხვადასხვა ქვეყნების საემიგრაციო სამსახურებს შორის. რაც შეეხება საქსტატის წლიურ პუბლიკაციებს, მასში არის მხოლოდ წლების მიხედვით მიგრაციის სალდო. არ არის ინფორმაცია მოცემულ წელს საქართველოში მომუშავე უცხოელი მოქალაქეების რიცხოვნობის შესახებ. ზოგადად, არ არის კრებული, სადაც მოცემული იქნება „ლეგალური საერთაშორისო შრომითი მიგრაციის მონიტორინგის“ მასალები.

ძალიან სასარგებლო იქნებოდა თუ კი ქვეყნის საემიგრაციო სამსახურს ექნებოდა სხვა სტატისტიკური ინფორმაციაც, მაგალითად, საემიგრაციო სამსახურის მონაცემებში იქნებოდა ცნობები ქვეყნის მოქალაქეობის მინიჭების შესახებ, რაც ხელს შეუწყობს მიგველო ინფორმაცია

ქვეყანაში უცხოელი მოქალაქეების შრომითი საქმიანობის შესახებ. მაგრამ სამწუხაროდ ეს ინფორმაცია საქართველოში არ არის გამოქვეყნებული თავისუფალი გამოყენებისათვის რომელიმე სტატისტიკურ პუბლიკაციაში.

მნიშვნელოვანი ყურადღება უნდა მიექცეს შემდეგს: ცნობები, რომლებიც შეიძლება მივიღოთ მოსახლეობის აღწერიდან აამაღლებს მიგრაციული ნაკადების პროგნოზირების ხარისხს და ხელს უწყობს სწორი საემიგრაციო პოლიტიკის შემოშავებას. ამიტომ დროა სტატისტიკური ორგანოები შეუდგნენ მზადებას მოსახლეობის საყოველთაო აღწერის ჩასატარებლად. მართალია ასეთი აყწერა ჩატარდა 2002 წელს, მაგრამ ქვეყანაში მას შემდეგ მომხდარი ბევრი სოციალურ – პოლიტიკური მოვლენა დღის წესრიგში აყენებს უახლესი პერიოდისათვის ახალი აღწერის ჩატარების აუცილებლობას. ამასთან, სასურველია ვიხელმძღვანელოთ გაეროს რეკომენდაციებით საქართველოს სპეციფიკის გათვალისწინებით. სასურველია, მაგალითად არწერებიდან ცალკე იქნას მიღებული მონაცემები საქართველოში მუდმივად მცხოვრები უცხოელი მოქალაქეების შესახებ, მათი სტატუსის, ასაკის, ქვეყნის მოქალაქეობის, მშობლიური ენის და ა. შ. მიხედვით.

მაშასადამე, არსებობს დიდი შესაძლებლობა საქართველოში შრომითი მიგრაციის სტატისტიკის ხარისხის გაუმჯობესებისათვის.

ბამოყენებული ლიტერატურა

1. მიგრაციული პროცესები პოსტსაბჭოთა საქართველოში. თბ., 2003
2. გ. წულაძე, მ. ხმაღაძე. რამდენი ვიყავით, რამდენი ვართ. საქართველო, № 10, 1996, გვ. 6
3. Рекомендации по статистике международной миграции. Первое пересмотренное издание. ООН. Нью-Йорк: 1998.

FOR MATTERS OF STATISTIC REGISTRATION OF LABOUR MIGRATION

IULIA ONIANI - Assoc. professor

In the article are discussed three main groups of labour migration, important disadvantages of statistic registration of each group and correspondingly methods of their extirpation.

The system of statistic registration of labour migration is based on recommendation of UNO on international migration statistics and that's why in the process of analyzing statistic registration of migration it shall be compared with international standards and recommendation of UNO.

In the article is made a report that for elaborating exact emigration policy and rising quality of prediction of migration flow we shall pay attention to information which may be received on the basis of census of the population. That is why statistic authorities shall start preparing for general census of the population.